



تخفہ و حکمہ قطره کی
لیکھت افادت



۷۰۰



مجلس والای احکام عدلیه اعضا شدن سعادتلو لبیب افندی
حضرتلرینک نخبه و تحفه منظومه لرندن بعض قطعات بلیغانه به
نظم ایلدکری تضمینات شاعرانه لریدر

تکری آدی شیدرو شبذیر ویزدان و خدا
لطفنه احسانه محتاج یکسر ماسوا
انس و جنک خالقیدر جمله اشیایی اودر
یارادیجی آفریننده بزرگی کبریا
وصفیدر پروردگار و کردگار آمرزگار
قادر و قهار و واحد خالق ارض و سما
حضرت رزاق عالم عالم الغیب و دود
هم دخی پاینده باقیدر همیشه دائماً
کوریمی یناودانا بیلجی اولو بزرک
واهب الامال مولای کریم ذو العطا
امر و فرمان خدا در قوللرینک اولسی
مرحتلو مهربان پاداش خیریه جزا
رزق روزی انی ایرشدیری روزی رسان
بنده سن مرزوق ایدر هر روز و شب صبح و مسا
اول کریم ذو الجلاله هر نفس واجب بزه
شکر و حمد اولدی سپاس و راستا مدح و ثنا
طوغر و سوزلور استکو و خشور و پیغمبر رسول

کونددر مخلوقنه مولی لاجل الاتقا
صادق الوعد الامین عالی شیم فخر رسل
هم محمد در ستوده برکزیده مصطفی
یاز نویس اوقو بخوان قرآن نوی چالش بکوش
ایلیوب احکام شرع مجتبیای مقتدا
شیخنک استادینک هر بار نصیح و پندینی
دیکله بشنوا کله دریاب اولدی شد لایق سزا
مردم ادمدر جوانمردی سخاوت و پرده
خصلت ممدوحه در انسانده جود و سخا
با خصوص اولورایسه انعام و اتفاق ایتدیکک
ایزدی حق یولنه ویزکی محلنده یجا
اوچی پرنده اولمشدر ملک ادی سروش
جمله سی فرمانبر امر خدا ایتمز خطا
الزم اولان مسلمان امر حتی دیکله یوب
هم اینانق باوریدن لایق و جائز روا
کیش ملندر شریعت راه دین روزه اورج
امر باریدر صلات پنجگاه ایله ادا
خالق توحید و تصدیق ایدرک پیغمبری
هم یکانه کوی مؤمندر درود اولدی دعا
مسجده مزکت دینور داخی اذان بانک نماز
قبل جماعتله نمازی بوله تا قبلک جلا
بش و قنده اقتدا ایدوب خلوص قلب ایله
دی امامه پیش نماز هم ایولمش پیشوا
جاهله نادان مرایی صوفی به سالوس دی
ایکسیده شیطنت پیشه کروه ناسزا

✽ عارف بالله یکسر واصلین و کاملین ✽
 ✽ عفت اهلی پا کدا من اهل تقوا پارسا ✽
 ✽ رستخیزا اولدی قیامت جنته دیرلر بهشت ✽
 ✽ واعف عنا ربنا ارحم لنا یسر لنا ✽
 ✽ جریمز عفو ایلوب حفظ ایلده رب رحیم ✽
 ✽ دوزخ اولمشدر جهنم ادی قورنلش رها ✽
 ✽ فاعلاتن فاعلاتن وزیدر بحر رمل ✽
 ✽ او قوا و کزن ایلوب وهی افندی به دعا ✽
 ✽ ضایع ایمه بن کی غفلت ایلده عمرک صفین ✽
 ✽ ایلده علمکله عمل تا اولیه سعیک هبا ✽

✽ اولو سلطان شاهنشاه دی حکم ایدیچی داور ✽
 ✽ جهانک شاهی خان عبد المجید مرحت کستر ✽
 ✽ خلافت ذاتنک ارایشیدر حق موروثی ✽
 ✽ دخی اورنک تخت و تاج ایش دیهیم هم افسر ✽
 ✽ دینور هم پادشاهه شهر یاز و خسرو و دارا ✽
 ✽ بوشاهنشاهه لکن نامنی بخش ایتدی اسکندر ✽
 ✽ اوشهدن خلق عالم سو بسو کور دیکه بورتبه ✽
 ✽ عدالت داد اطاعت ایدیچیدر امره فرمانبر ✽
 ✽ ستم ظلم و شکا بقبله هم داد خواهان دی ✽
 ✽ یوکاری بر طرف ایتدی جهاندن شاه دین پرور ✽
 ✽ بهشت عدنه دوندی استراحت بولدی بالجمله ✽
 ✽ جهان کیتی رعایا زیر دست اقلیدر کشور ✽
 ✽ مکان جای وزمین پر در قلمرو والده کی کا ✽
 ✽ بحمد الله والمنة که مور اولدی سرتاسر ✽

✽ سپاه وهم سپه لشکر دینور باشو غه سرکرده ✽
 ✽ یولنه کیردی همت ایلدی شاه کرم کستر ✽
 ✽ زمان شو کتده قهر مانلردن عسارتدر ✽
 ✽ سپهبد دیندی سرداره سپهسالار سرعسکر ✽
 ✽ سپه قالفان زره جوشن جبه زرخ ادیدر جمله ✽
 ✽ زمانی کجدی بونلر شمدی اولمز حر به تاب اور ✽
 ✽ تفنک و طوب اوزا قدن ایش کورر جمله کیر و قالدی ✽
 ✽ قلیج شمشیر و تیغ و نیزه مزراق دشنه در خنجر ✽
 ✽ دموراهن قلای ارزیز باقر مس روی تو جدر هم ✽
 ✽ بومعدنلردن آلات جهادی یاپدیلر اکثر ✽
 ✽ مدار انتظام دولت اولان بعض شیلردن ✽
 ✽ دیمشقر قورشونه اسرب کومشدر سیم التون زر ✽
 ✽ دکر دریا کی کشتی رئیس ناخدا ایل باد ✽
 ✽ خطر در اولمز ایسه عون و توفیق خدا یاور ✽
 ✽ سنی ایصال ایدن مطلوب بکه حقدر صاقن صانعه ✽
 ✽ احببق یلکن کشاده باد بان باغلو دمور لنگر ✽
 ✽ یقین اولمه مشورت دیک شاهانرا سلاطینه ✽
 ✽ دعای دولت شاهانه بی دائم ایدوب از بر ✽
 ✽ صوقوله اهل جاهک بزمنه ثقلت و یروب دائم ✽
 ✽ اوزا قدن کوربین از دور داخی باق دیمک بنکر ✽

✽ پادشاه اولدی امام اول مؤمنیه مقتدا ✽
 ✽ یعنی خان عبد المجید پر کرم ظل خدا ✽
 ✽ پیشه سی عدل و عطا اندیشه سی جود و سخا ✽
 ✽ اویله شاهنشاهه ظل الله تعبیری سزا ✽

❖ شاه اسلامه ولی وهم خلیفه دیندی که
 ❖ مسلمینه در که شاهانه سیدر ملتجا
 ❖ امرینه فرمانده واجب همیشه انقیاد
 ❖ پادشاه در اولی الامر عدالت اتما
 ❖ چون خلافت شرع وقانونه موافق سلطنت
 ❖ ایلمکده حضرت شاهنشاه صاحب عطا
 ❖ بویه خاقان جلیل الشان عالی همتک
 ❖ نص قرانی ایله امرینه واجب اقتدا
 ❖ کنجم وقد موس غایتده معظم پادشاه
 ❖ ملجاء عالم معین یکسان کشف الوری
 ❖ شاه همز سلطان اعظم شهریار مجرب
 ❖ هم ملک ایله ملک اولدی شه شوکتیا
 ❖ افسر شاهیه دیندی تاج نیخان جمیدر
 ❖ جد یجد ارت ایش عثمانیه کبریا
 ❖ حکم شرع اجدی بر سر طور شاه جهان
 ❖ هم اوتاج اکلیل کیم کوهرا اولدی برضا
 ❖ تخت سلطانی سریر و جعی کلشدر سرر
 ❖ شاه عالم تاجمشر فر ویره یاربنا
 ❖ عمر سرمدله اولان عبد المجید خانه مقام
 ❖ هم اریکه تختدر کرسی دخی دیش اکا
 ❖ دست صدر اولدی وزیر دینلور دستور کیم
 ❖ خدمت شاهانه بی ایلر خلوص ایله ادا
 ❖ لفظ دستور دیکر معناده ویردیلر سلف
 ❖ اصل معنای قوانین دفتریدر غالباً
 ❖ پک مقر بلر قرابین و مصاحبه در جباء

❖ انلره الزم اولان هر بار آداب و حیا
 ❖ ایملرندن کامیاب اولنری بی ریب و شک
 ❖ صدقوله معروف اولنر صادقین و اصدقا
 ❖ جنکده شدت سلاح حدتی شوکت ایش
 ❖ ایتمه لی بوللو قومانده عسکری جنک اشنا
 ❖ ایش الله تعالی چونکه صاحب اقتدار
 ❖ هم دخی قدرت دیمکدر وصف شاه اولق روا
 ❖ قسط و عدل اولمش مظالمدن تحاشی ایلمک
 ❖ شمه شاهنشاه دوران بی ریب وریا
 ❖ شرعه تطبیق ایله در اول پادشاهک مشربی
 ❖ هم سیاست امر ونهیک ایتک اجرا دائماً
 ❖ زیور فرمان اولان طغری ایش توقع هم
 ❖ ایلر انفاذ امرینی مانند احکام قضا
 ❖ حین نصبنده مشیرا کر مه احسان اولان
 ❖ معنی منشور و فرمان اطاعت اقتضا
 ❖ سکه اوریلان محله دیندی دارالضرب کیم
 ❖ حاصلاتی دمبدم مزداد اوله بی انتها
 ❖ دامن حشره قدر زیبایش عالم اولوب
 ❖ نام شاهیه ایله نقدینه اوله رونق فزا
 ❖ قوللر اولمشدر ممالیک و ممالک ملکر
 ❖ فرق ایدن بوا یکی جمعک یینی بر حرف یا
 ❖ ملک اسلامی توسیع ایلسون رب معین
 ❖ شهر ایش مصر و بلدهم کویله دیندی قری
 ❖ جفل وجیش و کتیه جند دیش عسکره
 ❖ لشکر اسلامی یارب ایتمه نصرتدن جدا

❖ روتقیدر عالمن اسایش صلح و صلاح ❖
 ❖ اردو معناسی معسکر جنک ایمش حرب و وغا ❖
 ❖ قائد الا جناد سرعسکر کی باشو غدر ❖
 ❖ اولسی لازم اصول حربده صاحب ذکا ❖
 ❖ زیورین نصر من الله نصک اینسون مسلین ❖
 ❖ دیندی رایت هم علم بیراغه سنجاقدر لوا ❖
 ❖ فی سبیل الله حق یولنده یعنی دین ایچون ❖
 ❖ کیجه کوندز فکرینی صرف ایلمکده پادشا ❖
 ❖ آیت قرآن ایله مؤمنلره فرمان حق ❖
 ❖ کافر ایله جنک ایتکدر جهادو هم غزا ❖
 ❖ صلحی بوز مقده مخیر لیکده نبذ و انتباز ❖
 ❖ حال ایجاب ایتدکجه نقض عهد اولمز روا ❖
 ❖ حق موفق ایلش ذات هما یونک سنک ❖
 ❖ سلم و هم لیم و توادع صلحه دینشدر شها ❖
 ❖ نصر دائمه موفق ایده حق دارا مزی ❖
 ❖ عافیتلره مؤید ایلوب صبح و مسا ❖
 ❖ بود عایی ایلک لازم همیشه بندکان ❖
 ❖ اید الله بنصر دائم سلطانتا ❖
 ❖ یاد اوصاف ملوک و یردی رونق نظممه ❖
 ❖ مایه فخر و مباهات اولدی اشعارم بکا ❖
 ❖ قوللغم عرض ایلک شاه جهانبانه لیب ❖
 ❖ اولدی کویا کیم نظیر قصه شاه و کدا ❖

❖ بوی قد طوغری سهی پک یا قشقلی زیبا ❖
 ❖ شکل اندام دلارایه سوز اولمز اصلا ❖
 ❖ هله باقی قامت جانانه یه ده کورنه ایمش ❖

❖ صائبوب کز مه خرام و یوجه اولدی بالا ❖
 ❖ حرکت جنبش و رفتار صالمنق یوریمک ❖
 ❖ یاقشق و یرمده ای سرو خرامان سکا ❖
 ❖ کوکل اکلیجه سی محبوبه دلارام دینور ❖
 ❖ لیک افتاده ناکامنه با شرط وفا ❖
 ❖ کیمسه یه بکرده هم سودیکم اول ماه وشی ❖
 ❖ یعنی یکا یالکز بر اشی یوق بی همتا ❖
 ❖ دیندی سازنده رامشکر و طنبوره سنا ❖
 ❖ کوش قبل سمع حقیقتله اودر روحه غذا ❖
 ❖ خوش صدا اولسی پک لازم اولور کرچه که هب ❖
 ❖ ایرلق نغمه ایله اولدی سرود و خنیا ❖
 ❖ بکره مک ماندن و هم او یله دیمکدر قالمق ❖
 ❖ سک درکاهی ایله کوی دلاراده دلا ❖
 ❖ اومهک آی و کونش دینسه اینانم اصلا ❖
 ❖ میلی مانند کیدر مثلا در کویا ❖
 ❖ باد اولسون اوله باشد نشود اولمز هم ❖
 ❖ دلبرک عهد و فاسنده ثباتی قطعاً ❖
 ❖ نه بواطوار تغافل بکا کوسدکی ینه ❖
 ❖ ورنه یوخسه بلی آری عجب ادرایا ❖
 ❖ روز کوندز بوکون امروز پکن کون دیروز ❖
 ❖ منتظر اولدی کوکل کلدک ای ماهلقا ❖
 ❖ بروقت بول کرم ایت خانه می تشریف ایله ❖
 ❖ شب کیجه بو کیجه امشب دخی یارین فردا ❖
 ❖ شسته یقمنشه حمامه دینور کر ماه ❖
 ❖ تازه روا اولدی دلا کی افندم اما ❖

❖ ویرمش اول کل وشه بر بشقه طراوت حمام ❖
 ❖ ترلشدر دخی خویکرده وایرازیرا ❖
 ❖ یشم یولک پنبه بموق نرم دخی یومشقدر ❖
 ❖ تن نازک تری دلدارمک اندن اعلا ❖
 ❖ مر حجت ایتمدک افتاده یه کویاقلبک ❖
 ❖ سنک طاش سخت قتی مر مره دیرل خارا ❖
 ❖ اولدی آینده کلچی ور ونده کدیچی ❖
 ❖ دل سر کویکه کاهیجه خیالکده بکا ❖
 ❖ کلسون اثار جنون چونکه عقل باشمدن ❖
 ❖ رفت کندی کلور آید هم ایقداش همیا ❖
 ❖ فاعلاتن فعلاتن فعلاتن فعلن ❖
 ❖ دینسه معجز سخن وهی ثانی یه سزا ❖
 ❖ پندی طوملی اول یرلیبیا دیرایش ❖
 ❖ ایله تحصیل هنرنا اوله قدرک اعلا ❖

❖ اولکه عشقکده سنک من فی هواک ❖
 ❖ حسرتکله اولدی دائم دردناک ❖
 ❖ سن قاجر کن عاشق نا کامدن ❖
 ❖ فنده کورر اول سنی ابن یراک ❖
 ❖ عاشق اولدی شوقله کورن سنی ❖
 ❖ ایتموغمی سینه سینی چاک چاک ❖
 ❖ هر که می بیند ترا عاشق شود ❖
 ❖ کان صبا بالفرا م من راک ❖
 ❖ یا خلیلی ای بنم بک سو کلیم ❖
 ❖ تیغ جور کله بی ایتمه هلاک ❖

❖ مختلدر صاغ براغور سن اکر ❖
 ❖ کوریرم بر کون سنی یوما اراک ❖
 ❖ سن کلور ایسن بکا لو جتنی ❖
 ❖ لطف واحسان ایلیوب بی یم و باک ❖
 ❖ ای بنم روح روا نم مهوشم ❖
 ❖ ساکه جانمدر فدا روحی فداک ❖
 ❖ سندن ایرلیق بکا اولدی غموم ❖
 ❖ ایده م بر شبله زیرا اشتراک ❖
 ❖ شد مرا غمها جدا کشتن ز تو ❖
 ❖ کان لی الاحزان منک الانفکاک ❖
 ❖ ما شهدناه بزانی کور مدک ❖
 ❖ که ایده راه وفایه انسلک ❖
 ❖ عاشقی قوغدک یانکدن دون کیجه ❖
 ❖ سویله کیم کلدی سکا قل من اتاک ❖
 ❖ یارب اولدیسه بو قول عاصی سکا ❖
 ❖ ایلیوب جرم و کناهه انهماک ❖
 ❖ رحمتکله عفو قبل احسان یور ❖
 ❖ ذلک العبد الهی لو عصاک ❖
 ❖ سندن اوز که یوق اکا معبود ورب ❖
 ❖ عاجز و ناچار قولدر رو بجاک ❖
 ❖ مغفرت ایتمز ایسن مشکل ایشی ❖
 ❖ ماله رب و معبود سواک ❖

نه کوزل یعنی زهی افد عجب	معرفت ایله هنر علم و ادب
ایلیک اهل کماله تحسین	دخی شایسته و شایان انساب
دیندی چسبان مناسب دیمکه	خیر ایچون صرف اولمان سیم وذهب

سر و تعبیرینه قد یاره
 فارسیده دخی مستعملدر
 اوراسن اویمه دیلرکه کوکلم
 اولدی بخاله کویوند اوجق
 یاری کوردیجه کلور بنده کزه
 همنه دینسه دوکلی دیراتراک
 دیدی لازم او دکلکن بوسوزی
 هرزه کواولکه سوزی صاچه اوله
 یلور ارباب سخن اولدی یعنی
 دخت رز دختر رزباده دیمک
 دختر باده فروشک ادینک
 سعی و کوشش او قومقدر خواندن
 او قواو کرن هنری حاضر ایکن
 فاعلا تن فعلاتن فعلن

بونی تصدیق ایدر هب عقلا
 سبب رفعت اولور علم و ادب

اولش یناق خدیوزدر محیا
 اولمز مبر عشاق زاره
 ابکار دینک جله قز اوغلان
 رفتار ایدرلر ناز وادبله
 ان جئت لایلا کیجه کلور سن
 صهبا مهبا مجلس مزین
 بشرا لئسا چون مرده بز مجون
 جان ویرسه عاشق سزادر
 اوغلان غلام و هم قول دیمکدر

عاشق اولنلر سن دلستانه
 خمر اولدی باده لا تشرب ایچمه
 بد نام اولورلر رسوای اولورلر
 هم عرف نکهت قوقویه دیرلر
 فایق دکلکی نکهته پرچم
 احق قاری به رعنا دینور مش
 لایق دکلکن بو کونه تعبیر
 یالیت شعری کاشکی یلیدم
 عادت ایدر سن جور و جفای
 یوکسک علا و الجق دنی هم
 صاحب هنر قدری دمادم
 طوغدک فلکده مانند پروین
 چشمی تنویر ایتدی قدومک
 مستفعلاتن ایتش قلمدن

بو چشمه سار باغ هنزدن
 آب حیاتی یارانه اجرا

یا که مرا سکا ترا سز شما
 اغلبه رق بالواره رقدن دیدک
 سن تو مروکته و بنشین او طور
 یولده قومه دیده لرم شمیدیچک
 بویله چنین اویله چنان چون کبی
 جور و جفا ایلمدن مقصدک
 قنغی کدام اوست اودراین بودر
 استم اغباری صورت کیمسده

ایلدیکز وعده وصل ابتدا
 بن من و بز ما واکام ورا
 عهده وفا ایلیوب ای دلربا
 ابروی کیدر ایسک کل پیا
 اشته بکم حال دل غمفزا
 چبست ندر آن اونیچون چرا
 عاشق اولوب سودیچکم دلربا
 کبست دیمک کیمدر اوقنده کجا

نیچه چسان منلی بسان بیل بدان
هجره ايله چكديكم اندوهلر
دوشگون اولان عاشقه افتاده دی
بویله کوزل شوخ ایکن نازایله
دخت قزه بکچی یه پروا ک دی
اهل طبیعت حرمه کیرسه ده
زنکین اولان شخصه توانکر دینور
سائلی ردایم یوب احسان قیل
اشجی یه اش پردی یمک خوردنی
مطبخ تقدیردن الور نصب
یک ایو حلاوا یمش افروشه هم
شهر یلره مژده ویرک حظ ایدر
دیگرا یسک نصیح ایدرم بن سکا
با که قولاق طومز ایسن سویلم
مفتعلن مفتعلن فاعلن

ورزش ایدوب علم وهنر کسینه
اهل معارفله کورش دائما

تلظی اود علولتمک علولندرمه درایقادی
مرادک جوردن سوزدل عشاقی ای یسداد
بواهلر کیم نمایان اولدی آتشر ارسنه مدن
شواظ وهم لهب یالک یالکلا نیجیدروقادی
قوانیدر خله نخل اری شهد وعسل بالدر
جناب حق او حیوانه عنایت یمش استعداد
مذاقی اهل دلده طالتوسوز شیرین حکمتلر

شکر در قند و سکر کیم شکرچی یه دینور نقاد
ترقیدر ترصد و ش کوزتمک انتظار ایله
زمان وعد وصل یاری دائم عاشقه معتاد
کذرگاه بلای ابتلا کوی دلارایه
رصد یول کوزلنن پردر اولویوله دینور مرصاد
الوک هم الوکه ایلمیک اولش سفارت و ش
نکارک کوشنه سوق فغان وناله و فریاد
کوکل حالن سکا نقل ایلم ای شه زوال اولز
دینور ایلمی یه وفد و جعی کمشدر وفودا وفاد
شباک اوجی دوزاقلری شبک هم ایلمی اولش
سنگ زلفک ایله تارنکاه عاشق ناشاد
سنگ ای شوخ دام زلفکه مرغ دل زارم
قنص اوصید معنا سنده اوجی قانص وصیاد
اسیرلر در سبا سی واسترقاق اسیر ایتیمک
بنی ای شاه عشوه مطلبدر هر چه باد اباد
سکای یوسف مصر ملاححت یکسر عاشق ل
رقیق وقن وعبد اولش قول اعتاق ایلمک ازاد
غلام وزن کتوریچی یه اهل فسق و بدکاره
صاقنکم اعتبار ایدوبده اولسه نفسکه منقاد
کروه ناسزا اشخاص کار ساز بد خویه
مؤنث ایسه قواده دینور ارکک ایسه قواد
مقید اولدی باغلمش دخی بغلامه در تقید
کمند زلفنه عشاقی یاره طبع مادر زاد
ایاغن باغلمقده تنک دستا نک دیون الحق
بوقا غوکبی قید و بندل در جله سی اصفاد

❖ شبه شبه ایکبسی بکره مک تشبیه بکره مک ❖
 ❖ خطادر روی یاری مهر و ماهه خامه بهزاد ❖
 ❖ میان خویر و یانده سکا بکر رمی وار کر چه ❖
 ❖ دینور هر نسنه نك مثلنند و جمعیدر انداد ❖
 ❖ دیمشلمیچنه طوقاغه حفت و بك ودق قاقق ❖
 ❖ مرادم باشنه اغیارین ایتدوکن ایدوب ایراد ❖
 ❖ قازق قاقدی رقیب ای شوخ بز مکده نه پك بکرر ❖
 ❖ چوی به قازغه دیندی وتد جغی کلور اوتاد ❖
 ❖ اگر چه نفد واسباغ اولدی معناده بتورمك هم ❖
 ❖ دکل ممکن زمان فرقتی هر دم اولور مرداد ❖
 ❖ محقق اول کریم الله هیچ وعدنده خلف ایتمز ❖
 ❖ نیجه احسان وانعام ایله ایلر قوللرین دلشاد ❖
 ❖ موحد قوللرم یاقم دیدی دوزخده آمنا ❖
 ❖ هوالب السکریم انه لا یتخلف المبعاد ❖
 ❖ اوکیم ذم ایده خانی سورمك ایله اول ایراغ اندن ❖
 ❖ که زیرا او یله آدم نام و ناموسی ایدر بر باد ❖
 ❖ ذمیم الخلق اولور ذمام اولنلر التفات ایتمه ❖
 ❖ فن کان یذم الناس جنب عنه بالاطراد ❖

❖ آسمان کوکدر کونش خورشید و مهر و آفتاب ❖
 ❖ ایلرای مهر و سنك تاب جمال کدن حجاب ❖
 ❖ آفتاب رویکه نسبتله خوبان دیگر ❖
 ❖ یلددز اختر ماه آی ایدن لغیر ماهتاب ❖
 ❖ اویانق بیدار امز غمش غنوده اویقو خواب ❖
 ❖ کوزمه کیرمز غم عشقک عجایب بر عذاب ❖

❖ پک سویندم کورددم اوله پاره بی چشم براز ❖
 ❖ اویوشن خوایده دونکی کیجه دوش و دوشده خواب ❖
 ❖ هیبت وحشمت شکوه اعلا دیمك والا ایمش ❖
 ❖ باخصوص اولور ایسه علم و معارفدن نصاب ❖
 ❖ دولت و ایمانله ختم اولمق عالمده بیوک ❖
 ❖ جاه منصبدر مرادینه ایرندر کامیاب ❖
 ❖ تاب طاقت بیج بوکدر دولاشق قدر دخی ❖
 ❖ عقل و فکری عاشقن زلفک کبی بی اریباب ❖
 ❖ کا کل افکار ایله هر بار بوک و کلمده کی ❖
 ❖ اصطلاح اولش دینور فکر و تلاشه بیج و تاب ❖
 ❖ فاش ظاهر در خبر معناسی پیغام و پیام ❖
 ❖ کتم اولنر حالمزای دلبر عالیجناب ❖
 ❖ لایق اولان عاشق دزارینك احوالی ❖
 ❖ اولدی پرسیدن سؤال ایتك دخی پاسخ جواب ❖
 ❖ بولاشق الایش الودن بولشمقدر دخی ❖
 ❖ چرك دنیادر ویرن اهل قلوبه اضطراب ❖
 ❖ سینه صافان محبتدن سؤال ایتدم دیدی ❖
 ❖ خالص و صافی و خاصك اولدی هب مفهومی ناب ❖
 ❖ آرمیدن دیکلنوب اکلمه صبر اولدی شکیب ❖
 ❖ هر برایشده ابتدا لازم اولان کار صواب ❖
 ❖ کاری تقدیره حواله ایتنوب کار عبث ❖
 ❖ پک یلارب کز مک تکا پو یعنی ابو مکدر شتاب ❖
 ❖ ابکیر اولدی صوجع اولدیغی یرتالاب هم ❖
 ❖ اغلمقدن دیده اشفته حسرت مأب ❖
 ❖ کردش کر دونه دقت اولسه کویا مهر و ماه ❖

❖ ریب شک اتمه دخی بود هر ك ❖
 ❖ رنگ ونیرنگی بتون بوقلون ❖
 ❖ عقل ایرشمر بوفنا دنیاك ❖
 ❖ حادثاتینه دینور ریب منون ❖
 ❖ سرینی فاش ایدیجیدر علنه ❖
 ❖ بوخصال ایلرانی پك مغبون ❖
 ❖ عشق هر کچده اولور سه عادت ❖
 ❖ اشکار اولمه علن کبی علون ❖
 ❖ دل غمناك ایله قبل حقه نیاز ❖
 ❖ نیتك اوله خلوصه مقرون ❖
 ❖ حق قبول ایلر اودمده البت ❖
 ❖ ادع الله بقلب محزون ❖
 ❖ سرنوشت کهر پاک اکثر ❖
 ❖ اوله مز خط المدن مأمون ❖
 ❖ ایدیه چیقسه هنز ایله چه سود ❖
 ❖ خاتمك نقشی کبیدر وارون ❖

❖ تشنه صوصامش قاتمیش اولاندردخی سیراب ❖
 ❖ خون دلنه عاشقن اولشوخی قمر تاب ❖
 ❖ سینه مده اولان شرحه ایله خون سر شکم ❖
 ❖ فرکند سیلک یاردیغی یرسیل صوی سیلاب ❖
 ❖ شیره دی اوزم صوینه هم بکمره دوشاب ❖
 ❖ صبر ایده ایدیک باده اولوردی اوده یاب یاب ❖
 ❖ سکر لبیک لذتنه اویموب انجیق ❖
 ❖ بال شهد دینور شربتیه شهدابه وشهداب ❖

❖ کلزار وکلستان کلی چوق یردخی کلشن ❖
 ❖ پك ذوقه کبدر طبعه موافق ایسه احباب ❖
 ❖ سیرایت چمن وقت بهاری نه کوزلدر ❖
 ❖ دی چایره مرغ و تروتازه ایسه شاداب ❖
 ❖ شهوار دینور پادشهنه لایق اولانه ❖
 ❖ دردانه اشکبه نظر اینده بالایجاب ❖
 ❖ درج ودهن چشمه لعنده نکارک ❖
 ❖ لذتلو صو خوشاب ایوانجودر خوشاب ❖
 ❖ جوی ارمغه دی آب روان یعنی اقر صو ❖
 ❖ کبی دو کبور کوز یاشنی عاشق بی تاب ❖
 ❖ داغ دلی لبریز ایدن قانلو سر شکم ❖
 ❖ تیره بولا نقدر دخی حوضك دیی پایاب ❖
 ❖ سرکشته باشی دوغشه دی دوغمه کشتن ❖
 ❖ عهدندن او پیمان شکن ارایور اسباب ❖
 ❖ چشمندن اقان کوز یاشنه بکزه یور الحق ❖
 ❖ دریاده صویك دوغسی چور ندیسی کر داب ❖
 ❖ اتشده او حیوانکه کز رادی سمندر ❖
 ❖ ارباب ذکایی بوروایت ایدر اعجاب ❖
 ❖ اول یانمز ایسه اتشه بو صوده بو غولمز ❖
 ❖ دیرل صوقوشندن قازه بط اورد که مرغاب ❖
 ❖ ماهی بالغک ادی شناوردخی یوز کج ❖
 ❖ پك تهلکه ده بولنور اولسه دخی رهیاب ❖
 ❖ انسانه اولور منفعتی یاز کوننده ❖
 ❖ غوته صویه طالمق صولك طالغه سی خیراب ❖
 ❖ دار شکنه معناسی سلیمانی دیمکدر ❖

❖ اکار عملن وار ایسه اکسیرده ارباب ❖
 ❖ کیمیاچی به الدائمه همان قاج یاشدن ❖
 ❖ فرار ککر یزنده چیوه ژیهه و سیماب ❖
 ❖ کوز یاشنه دی اشک و سرشک اغله کر به ❖
 ❖ حسرت ایله عشاقی ایدن روز و شب انعام ❖
 ❖ مقصود سکا دیده می کو سترمدن ای شوخ ❖
 ❖ کریان دیمک اغلا ییچیدر قاناق صو خوناب ❖
 ❖ مفعول مفاعیل مفاعیل فاعولن ❖
 ❖ فریاد ایدوب یاری صفین ایلمه اغضاب ❖
 ❖ رنگین نما یشله الدائمه لبیبای ❖
 ❖ بکزر او تقوقشه بوجهانکم اوله براب ❖

❖ کندیکن زوجه منکوحه سنه دیندی فراش ❖
 ❖ اسکد بجه اولور ادمه پک جانخراش ❖
 ❖ قوجه قاری کیجه لر کوزلر ایکن قابلی ❖
 ❖ یتاغه المه دخی جاریه بی استفراش ❖
 ❖ تالی دیبادخی استبرق و سندس اطلس ❖
 ❖ بولنور جنت اعلا ده هر انواع قاش ❖
 ❖ خلعت علم و هنر در بنم عنده همان ❖
 ❖ عبقری کاله والا ایوا ثواب رباش ❖
 ❖ اغطش ایلدی مظالم دیمه در بعناده ❖
 ❖ اولدرق قلبیه انواع معاصی پاداش ❖
 ❖ روز و شب معصیت ایتمکده در روزنم ❖
 ❖ ایتمدر همدخی او یله قره کوانی اعطاش ❖
 ❖ نم قاپوب جلب رطوبت ایدن اولش مرشوش ❖

❖ کتورر جزئی شی ارباب دله کلی تلاش ❖
 ❖ دیندی باران هوا کر چه در ونده هنوز ❖
 ❖ دخی سر پندیسی صو کیپلرک اولدی رشاش ❖
 ❖ صاغ ایکن ضنک معیشت دیمه در طار دیرلک ❖
 ❖ بزده اولمقدن ایسه دشمنه طرح اولسه بوکاش ❖
 ❖ یوسفاهنلری ترک ایلر ایسم ممکندر ❖
 ❖ بولجه دیر لکله دیر لکده معیش ایله معاش ❖
 ❖ دیدیلر مال بقایاسنه کر چه خفشوش ❖
 ❖ صاغلفکده اتی سن عاقل ایسن صرفه صواش ❖
 ❖ مجرمین توبه سی مقبول اولور مش وار ایکن ❖
 ❖ حالت نزعده روحک دخی باقبسی خشاش ❖
 ❖ ناسدن مختلف انواع دیمک ویش اولش ❖
 ❖ عالم و جاهل و زاهد ایله رند قلاش ❖
 ❖ التفات ایله کویکده کی اغیاره بکم ❖
 ❖ اول دیرتی سفها زمره سیدر هم او باش ❖
 ❖ لص و سارق دینلور خرسزه اما که انک ❖
 ❖ جانه قصد ایده فی دزدیده نگاه خونپاش ❖
 ❖ ملعنتکار جهانده چوغ اولور انلردن ❖
 ❖ قتی ملعونی کفن صویچی یعنی نباش ❖
 ❖ فاحشه اولدی زنا هم یرامز ایشه دینور ❖
 ❖ افحشی ایله در فاسق اولان فسقنی فاش ❖
 ❖ متکبر لکدن امان ایله تحاشی زیرا ❖
 ❖ او یله ایش ایدی بد سو یلیچیدر فحاش ❖
 ❖ علت ضعف بصرله کیجه کورن اخفش ❖
 ❖ کوند زین کورسه دخی اکا باقلز مش یاش ❖

﴿ جاهلک چشمی کبی شمس کالی کوره مز ﴾
 ﴿ یراسه قوشیده وطواط ایش هم خفاش ﴾
 ﴿ قیل خلوصیه معاشکده توکل حقه ﴾
 ﴿ جان و دل ایله قویوب دزکه تسلیمده باش ﴾
 ﴿ آرامه بشقه محلا ده صاقن ارزاقک ﴾
 ﴿ فعلى الله توکل بخلوص لعاش ﴾
 ﴿ بویله در یوسفه هم پند جناب پدري ﴾
 ﴿ سوزمی دیکله صاقن کیمسه بی ایتد سرداش ﴾
 ﴿ اعتماد اولیه شایان دکدر زنههار ﴾
 ﴿ راز پنهانکی اخوانکده ایلمه فاش ﴾

﴿ خوبان کوزلر کولبی خندان ﴾
 ﴿ ایلرر اما عشاقی کریان ﴾
 ﴿ وعد ایتش ایدک افتاد کانه ﴾
 ﴿ بوسیدن اویمک عهد اولدی پیمان ﴾
 ﴿ صالنجی به دیرلر چان هم ﴾
 ﴿ سیرایت پکر کن اول شوخ فتان ﴾
 ﴿ بکزرمی سروه اول یار کر چه ﴾
 ﴿ اویله دیمکدر دخی خرامان ﴾
 ﴿ ییند مارا بزی کورر لر ﴾
 ﴿ تنهاده جنبش اینسکده بران ﴾
 ﴿ اغیاره زیرا پک ملتر مدر ﴾
 ﴿ باقی نگاه و کوزجی نکهبان ﴾
 ﴿ والید الزد و سوزدی قودن ﴾
 ﴿ عاشق زاری انعام جانان ﴾

﴿ هر بر کاشده با بن رقیبه ﴾
 ﴿ بکشود آجیدی قابو جی دربان ﴾
 ﴿ راندن نه دیرسک سورمک دیمکدر ﴾
 ﴿ بود و رباشی صور بندن ای جان ﴾
 ﴿ صاودی باشندن عشاقی زانی ﴾
 ﴿ اولش سنکک ادی مکسران ﴾
 ﴿ کردم رفوشه ایتدم کناهی ﴾
 ﴿ نفسیه اویدم از دردی شیطان ﴾
 ﴿ بیچاره قالددم دست هواده ﴾
 ﴿ هم نادم اولدم کستم پشیمان ﴾
 ﴿ کزلونهان و بلاو هویدا ﴾
 ﴿ یارک دهانی عاشقده افغان ﴾
 ﴿ بن کز لسمده دلداره حالم ﴾
 ﴿ کورینجیدر یعنی نمایان ﴾
 ﴿ الدایچی به دیندی فریبا ﴾
 ﴿ طورمز سوزنده وعد ایتسه خوبان ﴾
 ﴿ اغیاری صورمه یلم رقیبی ﴾
 ﴿ دیواهر من هم جنبه شیطان ﴾
 ﴿ شیبازبان دی سوزی فصیحه ﴾
 ﴿ ارباب طبعه تحسینه شایان ﴾
 ﴿ بن کبی بویله سویلرمی صاچه ﴾
 ﴿ سوزیلن ادم مرد سخندان ﴾
 ﴿ آغاز اول ایش باشلقدر ﴾
 ﴿ اما ککر کدر بانام یزدان ﴾
 ﴿ خبر ایده باری بالجمله کاری ﴾

* صو کینه دیرل انجام و پایان *
 * آغری کمران وینی سبک هم *
 * احوال زاهد اطوار رندان *
 * شایان رده لایق قبوله *
 * انلردر آنها بونلردر ایشان *
 * یکسان نباشد اولمز برابر *
 * اهل هنزه عالمده نادان *
 * غزه کله کوکلم وصفنده دیرل *
 * پردل بهادر قورقق هراسان *
 * کبر اتر اولکم پک طو نیجیدر *
 * پند و نصیحت اولمز پریشان *
 * قورتلدی البت قید سوادن *
 * شولکیم قاجیجی اولدی کریزان *
 * مستغلان بحر جزدر *
 * یلده دعایت و هی به هر آن *
 * آداب نظمی سنده ایبا *
 * اوکرن بیاموز قولایدر اسان *

* آیار اولدی صواریجی صوسزدر بی آب *
 * تشنه عشق ایدر چشمه لعلک سیراب *
 * دیده دن دوکدیکم اشک تراپله سینه مدر *
 * صو آقوب طولدیغی برداخی ستخر وکولاب *
 * حق قوشی مرغ سب اویرا یاغندن اسیلور *
 * صبحه دک یا حق دیه رکدن باب باب *
 * آفتاب رخسک بر توین انکار ایدن *

* براسه شب پره یلدز بوجکیدر شبتاب *
 * کیجه دن قائله شبینه کیجه لک اولدی شی *
 * مال خولیا ایله یات یوغبسه حاضر اثواب *
 * طالدیغم بحر تفکر ده ایشتم دیدیلر *
 * اویقونک اولی معناسنه اولمش سر خواب *
 * رهروان یولجیره دیندی دواسبه اولاغه *
 * عاشقان ایلر ایکن کوی دلارایه شتاب *
 * دعوت حضرت دلداره کوکل حاضر در *
 * یعنی ایاغی اوزنکیده دیمک پابرکاب *
 * نابید اولدی بلورسز یوق اولاندر نابود *
 * هزار بابنه احسان و کرم بالایجاب *
 * کامرس اولانی ارباب هنزدن شاید *
 * بولنور ایسه ده پک از بولساندر نایاب *
 * مرغزن دیندی مزار ادینه هم کورستان *
 * جمله به رحمت ایده حضرت رب الارباب *
 * مغفرت ایتسه حق مشکل اولور ایش کرچه *
 * قبه یاپیش اولان تر به به دیرل کوراب *
 * ایوسوز جمله سیده دیکله چویرمه یوزیکی *
 * اور وایتکه بزه ایلدی ال و اصحاب *
 * مشویده دیدیکی حضرت مولاناک *
 * همکی نیک سخن گوش کن وروی متاب *

رده ورسته زده جمله سی صف	اوادی عاشقرایدوب شور و شغف
درد عشقم ایدوب افشا ای دل	سوبسوهر یکادی سوی طرف
زند و اتش زنه جاقق ایدر	دیسیم ای سنک دل آهم نه تحف

شرر آه ايله كوكلم اكق
صاحب بخت خنك داخی صوق
باش دوكر اق صفالنه واعظ
اولدی ياتق اريمك سوز وكداز
كوكله باق اتش عشقی كورده
سفسينك آدی سفال اما كه
قدح اهل خراباته دينور
قور بغاغوك دی ارغه كاريز
آلورا هسته لك ايله منزل
هم ستور اولدی بنك حیوانی
لازم اتمك كبی هر داثره یه
مشرک جله لسانده صابون
هرنه شیدن اولور ایسه اولسون
اب وجدك كبی جد اوزره اولوب
فقط اجدادك ايله فخر ائمه

✽ بوشدرتهی طولو پر صواب كوزه باردق ✽
✽ رندانه انجق عادت ساغرله باده چاقق ✽
✽ قائلو یاشمله چشم كوردكجه دیر اوخونی ✽
✽ تیره شده بولانق هم جویبار ابرمق ✽
✽ اصمراق سپردن كوندردی هم فرسناد ✽
✽ تاسینه كاهه جانان تیر جفای الحق ✽
✽ عاقلرك مزاجی كار صوابی هر دم ✽
✽ سبجك كزیدن اولدی داخی ستادن الحق ✽
✽ قاپمغه دی ربودن يلك دخی دويدن ✽

✽ فعل كده اوله زینهار مانند مرغ چایلق ✽
✽ سرمایه سی فلاحن نفس وهوادن ای دل ✽
✽ قاجق كر بختن هم پویدن اولدی قوشمق ✽
✽ بون كسه به دی كودن فر توت هم بونامش ✽
✽ كچدر دیو صوراز سن اشته بنم محقق ✽
✽ اقباله الدانویده كیم اعتماد ایدرسه ✽
✽ شیدادلی دیمكدر كالیوه شاشقن احق ✽
✽ پیرایه زیب و زیور ارایش اولدی زینت ✽
✽ علم وهنر معارف اهل كاله انجق ✽
✽ لایق اولان وجودی زیبایش هنرله ✽
✽ آراسن بزنمك پیراسن طونامق ✽
✽ ايسنن وسترون بوكلو قسردیشیلر ✽
✽ مر دانه لك دكلدر عورتلره قول اولمق ✽
✽ ایتز وفا بو عالم بر كیمسه یه اكرجه ✽
✽ طوغغه دیندی زادن هم زاسن طوغورمق ✽
✽ اورمق زدن لك دزن تمه اوریمی یعنی ✽
✽ عشاقه كرجه جانان اغیاره لكن اشق ✽
✽ الام جورباری فریاد وآه زاری ✽
✽ چككم كشیدن اولدی انكیختن قوپارمق ✽
✽ اوینار ایكن بونلق معناسی باخن هم ✽
✽ بازیكه جهانده بی مایه لیکله قالمق ✽
✽ مستفعلن فعولن مستفعلن فعولن ✽
✽ سعی ايله كیم اوله سن اهل كاله ملحق ✽
✽ هر كارکی جهانده ايله خدایه تفویض ✽
✽ حقه توكل ایدن دائم اولور موفق ✽

❖ شبهه کر در جلوه لی نازك كوزلدر شوخ وشنك ❖
 ❖ سوديكم شوخ دلارا كلرا اولز اككا دنك ❖
 ❖ يارايله همبزم اولجيه مجلسك ارايشي ❖
 ❖ عشوه ناز و بوس او پوشدر شرم او طامق عارنك ❖
 ❖ بيوه طول كر میده قزمشدرز بقجي سعتری ❖
 ❖ پیره زن منفور در طبعیده مانند نهنگ ❖
 ❖ دیدی بر سخاقه روسی قاری به تعریف ایدوب ❖
 ❖ هم زبقي آدی مچا چنك دیندی دخی چیز چنك ❖
 ❖ كان جعاع آلت معهوده نك آدی زره ❖
 ❖ بونی تردیف ایلدی اینسه افکاری ژنك ❖
 ❖ بولغندر چاره واری بیلده لازم اولدیغن ❖
 ❖ فرج کس هم آب پشت اولمش منی ارکن ملنك ❖
 ❖ کور ناینا و دغسر باشی طازلق کل کچل ❖
 ❖ کوردینکم دلا کلر شهباده بعضی سیده چنك ❖
 ❖ کیمدن ایشتمش اصمکن قوجه وهی بونلری ❖
 ❖ کر صاغر دیرل چولاغه چنك هم طوباله انك ❖
 ❖ قرمزی سرخ سیه قاره یشل سبز آق سفید ❖
 ❖ خون اشکم تار زافکله خط رخساره دنك ❖
 ❖ چشم اغیار ایله بکرزمدن اولور پك آشکار ❖
 ❖ كوك كبود صاری زرد بویه فام كونه رنك ❖
 ❖ منج زنبور آریدر کند و قوغان بال انکبین ❖
 ❖ زخم اوررل یاقلشان انسانه مانند مشنك ❖
 ❖ يارك آزاريله گفتار رقیب بد سخن ❖
 ❖ طائلونوشین آجی تلخ وزهر نیش هم شرنك ❖
 ❖ خرس ایو پوزینه میون سک کوز بکدر کورک قورد ❖

❖ راست کلور سنه بونلره صحرا اولور انسانه تنك ❖
 ❖ قورقرا انساندن انکچون اوستنه ایلر هجوم ❖
 ❖ شیر ارسلان دلکور و بیه دخی قبلان پلنك ❖
 ❖ قور بغایه دی وزغ قیلو مغبایه سنك پشت ❖
 ❖ پك ضرر سن در ایدرلر اکثری صوده درنك ❖
 ❖ ایلر استکراه البت هر کیم ایلر سه نظر ❖
 ❖ ینکجه خرچنك کیری خار پشت پنجه چنك ❖
 ❖ کبک ککلک اتجه باشه طوغان شهباز هم ❖
 ❖ الدانور مرغ ضعیف بونلرایله ایلر سه چنك ❖
 ❖ طالمه دنیا جیفه سنه اولدی چون مر دا رخوار ❖
 ❖ چایلغك آدی غلبواژ وزغن طورنا کلنك ❖
 ❖ یای کان وزه کرش پیکان دمرن نوک اوج ❖
 ❖ بونلری پامال ایتدی صدمه طوب و تفنك ❖
 ❖ سپنه کاهمله سنك تیر مره ک ای فاشی یا ❖
 ❖ هم نشان اماج او قدرنا وک و تیر و خدنك ❖
 ❖ دزد خر سزایب رسن آور کتور اویر آص ❖
 ❖ تار زلفه عاشق ناکامی ای شوخ فرنك ❖
 ❖ نفس اماره ایله شیطان لعیندر بیلش اول ❖
 ❖ یول کسیچی راهزن شهر تلبسی شنك و مشنك ❖
 ❖ فهم و دانیشه اولور اقران ایچنده سرفراز ❖
 ❖ چالبشوب تحصیل علمه طور مین مانند سنك ❖
 ❖ بونم تردیفی ایدوب نشان افتخار ❖
 ❖ کیم او قورسه بوکابی باشنه طاقسون چلنك ❖

* اولیه حیوان کی اکل اتمکی ترک ابله برار *

* راحت قلب ابله امر از ایدن اوقاتن *

* اولدی خرسند قناعت ایدیمی حرصه دی آاز *

* کند ناد در پراضه سیر صار مساق قوقوبوی *

* بویله بد را بجه رطبع سلیمه اویمار *

* ظرفا بزمنه ثقلنه تعفن ویرمه *

* هم دینور قوقشه کندیده صوغان اولدی پیاز *

* اولدی پروند قور مساق که دیمکدر پره ونک *

* بزه لازملو دکل اولیه لثیم ناساز *

* اهل دل زمره سی یاننده اولور لر رسوا *

* اینه کافی وغلامپاره به دیرلر بجه باز *

* مول اویناش دخی دیوئه دینور کردنکل *

* بونلرک حالنی ستر ایلیمه مز پرده راز *

* قبه به میل ایده مز مر دکشاده مشرب *

* روسی به جاف و جلب دی باشی اچق سرباز *

* یصی پهن اینجه ده باریک ستر اولدی قالن *

* بومز ایاری تردیف مزاجه اویمار *

* اینه اندیشه ره صرف ابله عمر یکی امل *

* اینلو پهنه قصه کوتاه واوزون داخی دراز *

* قوشیمی چینه ویاوری بجه لانه یوهر *

* اوله عالمده عبت کاره دوشوبده قوشباز *

* سن همای هنری صیده چالش دینسه دخی *

* مرغ قوس بال قناتدر دخی اوجق پرواز *

* فائده سود کردند اولدی ضرر صاندی فروخت *

* کاله عمر می مفته بو عشق مجاز *

* نقد جان ویریلور ایسه متاع وصلت *

* رایکان دی اوجوزه مفتهم اورباق انباز *

* صپانک ادی فلاخن چوبانک ادی شبان *

* صکره دن طاش اتار ایلوب اول اواز *

* سنک دلاکله اموزدن بزی لایقیمی بکم *

* اتمق انداختن طاش اتیمی سنک انداز *

* کرم و سردینه باقلز بوفنا دنیانک *

* نوبهاری ده کچر صیفیده دائم قالماز *

* رد ایدوبده سوزیمی صکره پشیمان اولمه *

* ایله وقتی ضایع دیمه قیش یاز اوقویاز *

* قوله باز و دیندی معناسی عریجه اولدی باع *

* قولرنده حق یار اتمشدر لاجل الانتفاع *

* کارگاه دهرده کالای کامه اقتصاد *

* کزدخی ارشون دیمکدر کم مراد قدر زراع *

* ایچمک اشتامیدن وهم اقتباع والتباع *

* اکل وشریه دوشمه پک عالمده مانند سباع *

* هر خصالك احسنی انسانه غیظ و کیننی *

* یوتغنه دیندی فرو بردن دینور هم ابتلاع *

* اولدی نو پیدا و محدث یکی ایجاد اولمان *

* شیلره اول امرده ایلزلر اتباع *

* نیک نامقدر کوزل ایش ایشلوب خیراتلر *

* داخی پیدا کردن ایجاد ابلک هم اختراع *

* شید اولمشدر کونش ادی انک کی ذکا *

* بارلره من اولقدر سن مهله ایسه اجتماع *

* آفتاب روینک عکسینه بو کولده کی *
 * ایشغه ایدنلغه پرتو دینور داخی شعاع *
 * شمشکه دیرل درخش اولمش هم اول معناده برق *
 * یاقشور دیرسمکه بولدی ناب آهم ارتفاع *
 * شمع داغ سینه مک عشق آتشیه عادتی *
 * پارلق اولدی درخشیدن نظیری التماع *
 * دیندی قورقمنه با کانبیدن وترهیب هم *
 * ایتمده اعدای دین و دولتی مرد شجاع *
 * ایلوب لطفن رجلازم اولان الاهدن *
 * خوف ایتکدر هراسیدن مآلی ارتباع *
 * الدامق اولدی فرییدن که غبن ائک کبی *
 * پک فناشیدر بوکار نایجابی اصطناع *
 * نفس و شیطان ایلدی اضلال سنی صدحیف ایل *
 * دی فریبانبیدن الدانغه یعنی انخداع *
 * اولدی پوشانیدن اورتمک تستر کیدر *
 * خلعت اخلاص در فاخر لباس انتفاع *
 * حق در انجق راضی اولمغه هم اویمغه سزا *
 * امر و فرمان الهی مؤمنه دائم مطاع *
 * باطل افکاره دوشوب پکر و لک ائمه زینهار *
 * انما الحق حقیق بالرضا والاتباع *

* جامه اثوابه دی طونلق تنه تن داخی بدن *
 * هر نه کبسک یاقشور قد که ای غنچه دهن *
 * تن کلکونکی اورتوب بزه فاش ایلین *
 * طونه شلوار دینور کوملکه هم بیراهن *

* پوستین کرک کر بیان یقه قفتان قبا *
 * حاضر ای شوخ اگر خانه می تشریف ایتسن *
 * اسکی زخمیدن افان خون غمه آلوده *
 * آستین یک یکی نو اولدی ایتکدر دامن *
 * خلعت فاخره اکسون پرند اطلسدر *
 * سکا عبیده مهیا اولان ای سرو سمن *
 * بوسهی فامشکه زینت وزیور اوله جق *
 * پرنیان نقشی اولان نوعه دینور اطلسدن *
 * کبش سموره دخی پک ایو کور که دینلور *
 * ییلورم کاشکی اولسیدی بهاسی اهون *
 * کورک دیمش کبشه لغتار یازن ارباب کمال *
 * لیک شیرازده خلعت دیو کوش ایتدم بن *
 * چشن بیراهه ضیافت کوننه دیرلهم *
 * یارسر هیچ بری عندمده دکل مستحسن *
 * مولوی سکه سنه همسر اولور می کرچه *
 * چوق جواهرلی اولان تاجه دینورمش کرزن *
 * خاتمک ادی نکین یوزکک انکشتر *
 * دهن یار همان خاتم کویا دینانن *
 * بکا اثواب دیکر کن دوشور دستندن *
 * درزینک بوکسکی انکشته اکنه سوزن *
 * درز یو بخیه نکنده یمالیدر ژنده *
 * فقرا زمره سنک کیدیکی اثواب کهن *
 * یاره اغیار یماندینی کوردکده دیدم *
 * یمه نک ادی وژنک انکله دی دوکیه سن *
 * پنبه دوز اسکی دکیچی وکراده اسکی *

❖ کبرا یانسه دعوی حقوق ایله کیدن ❖
 ❖ اواملر عیث افکار ایله ثوب یاسی ❖
 ❖ دوختن دیکمک ایمش داخی بریده کسین ❖
 ❖ بر مغازودخی فغیاز دیمک شربتلاک ❖
 ❖ چو جوجق استک ایدر سویلز اما که سخن ❖
 ❖ آزاو اور سه یرامزایشنه اولسون چو قه ❖
 ❖ یعنی بخشش دیوشا کردک الینه و بریلن ❖
 ❖ در خور انکه نیم اکا که لائق دکم ❖
 ❖ کرم ولطفی ایله حضرت رب ذی المن ❖
 ❖ بومهارتلی اشعار دل افزاده لیب ❖
 ❖ ویردی الله بکا بار خدا داد بمن ❖

❖ آجی اولدی کشاینده عریجه فتاح ❖
 ❖ باب مقصود کشاده اولور بالاحیاح ❖
 ❖ طور توکل قیوسنده کرم مولایه ❖
 ❖ دی انا ختر دیه جک یرده مژک و مفتاح ❖
 ❖ تکرری آدی ایله بانام خدا بسم الله ❖
 ❖ هر بر افعالده مسلملر ایدر استفتاح ❖
 ❖ ذقن یاری آلوب اغزه خیالده بوشب ❖
 ❖ سبب خورددم یدم المایی اکت التفاح ❖
 ❖ پارلین نسنهیه تابنده و لامع دینلور ❖
 ❖ آفتاب رخ یار ایتدی بو قولی ایضاح ❖
 ❖ بر تواء براقرز اکا حاجت کر چه ❖
 ❖ شمع ایزان چراغک ایدر هم مصباح ❖
 ❖ وعد وصل ایلوب آشفته حسرت کشکی ❖

❖ مشا دکردن دی سویندر مکه یعنی افراح ❖
 ❖ صافلق اولدی نهفتن که مالی اخفا ❖
 ❖ ممکن او اورمی کوکل حالنی مانند صباح ❖
 ❖ ناله دن اصل غرض حال دلی دلداره ❖
 ❖ آشکار ایله واکردن ایمش هم ایضاح ❖
 ❖ گوشه چشم دی کوزاوجنه هم غزالین ❖
 ❖ فتنه جولفده کوزک اولدی کندی اصلاح ❖
 ❖ استکم شبه شود ز دیده نکه چشمکدن ❖
 ❖ تکریدن دینلور باقیه به یعنی الماح ❖
 ❖ قوجی به دیندی سخن چین دخی غم اویله ❖
 ❖ بو طبیعتده اولان بولمدی عالمده فلاح ❖
 ❖ جهلانک هزار بابنه دخل و ذمی ❖
 ❖ کو بکک اور مه سی لاییدن سک یعنی نباح ❖
 ❖ شایکانی دی او جوزافد رفاغه کییدر ❖
 ❖ اویله دملرده خفیفلنده بارار و اح ❖
 ❖ دم حزن و الم وقت غم و غصه اولور ❖
 ❖ خشک سال اول سنه کیم خط و غلا اوله کلاح ❖
 ❖ ایلکک ایله بکا آج قیوی ای اجیی ❖
 ❖ یتشور اولدیغم اطراف جهانده سیاح ❖
 ❖ دست بر حلقه درگاه توکل شده ام ❖
 ❖ افتح الباب با کرامک لی یافتاح ❖

❖ خشک قوری یاش تراوتلغه دیر لکاه ❖
 ❖ خلقنی هم تریه ایتده دائم اله ❖
 ❖ قارنی طویوب چارپازاحت ایدر دائمیا ❖

❖ قوری چراگاه ایش اولدی صمان آدی کاه ❖
 ❖ کیجه بی احیا ایدن شخصی دی شب زنده دار ❖
 ❖ غفلت ایله یکمده وقتیز ایوا واه ❖
 ❖ جبر نفس ایلوب فیض بولان دمبدم ❖
 ❖ همدخی شنجیز اودر وقت سحر بامگاه ❖
 ❖ ایله توکل دیمک اولدی پناه و بکن ❖
 ❖ حضرت حقه مدام استر ایسن انتباه ❖
 ❖ حفظ خدا در همان ایکی جهانده بزه ❖
 ❖ صاقلنه جق یرکین داخی صتمق پناه ❖
 ❖ کلبه کوچک حجره در مختصری خانه وش ❖
 ❖ سوق ایدر او یله یره سو دیکنی خیر خواه ❖
 ❖ توأم اولور سه سزا خانه جنت ایله ❖
 ❖ حق یولنه یا پلان تکیه کی خانقاه ❖
 ❖ کاغد زردی برات ادینه طغری نشان ❖
 ❖ خطلور خکله سنک قاشلرک ای یوزی ماه ❖
 ❖ ایتدیک ازاری بن جان و کولدن یرم ❖
 ❖ پادشهن و یردیک دیرلک ایش نان شاه ❖
 ❖ صارپه کریوه دی یول کوستری رهنمون ❖
 ❖ کویکه ای دلر با ایتدیکم آه سیاه ❖
 ❖ وادی امالده راه جهالت کی ❖
 ❖ ایشلک اولان اولو یول ادی ایش شاهراه ❖
 ❖ یرمه مده چک بکش قومه دیمک در منه ❖
 ❖ ریزه المناسی دل یاره سننه کاه کاه ❖
 ❖ سمت رضاده بولان کولک اله عاشقک ❖
 ❖ ال بستان استه جوی استه دیرسه مخواه ❖

❖ انسز اولان ناکهسان هم دخی ناکاه ایش ❖
 ❖ اوغرا دیغم درد وغم عشق ایله بی اشتباه ❖
 ❖ بشقه زمان هیچدر یار ایله یرلکده کی ❖
 ❖ وقته دی هنگام کاه کاه هیچه دیمکده کاه ❖
 ❖ استر ایسن معرفت یا نمه کلمده دیله ❖
 ❖ برهنیم بنده کز کرچه که بختم سیاه ❖
 ❖ کمنه اوزاغه صاقن طالب عرفان ایسن ❖
 ❖ کز تو بخواهی هنرزد من آو بخواه ❖

❖ شرمکین اوتا نیچی اولدی قادیندر بانو ❖
 ❖ اکلک شلزنه دیمک معنی لفظ ابو ❖
 ❖ صاحب کبد عظیم اولدیغنه شبه می وار ❖
 ❖ یره زن قوجه قاری سحر ایدیچدر جادو ❖
 ❖ بری برینه قارشمش دیمه در بیجا بیج ❖
 ❖ زلف دلدار ده وصف ایلدیکم هر برمو ❖
 ❖ باشنه درد اولان افتاده سودازده نک ❖
 ❖ موی قبل شانه طرق ضاج بلوکیدر کپسو ❖
 ❖ پهلوانه یل والب و کور شه کشتی دی ❖
 ❖ اسکی متروک هنر لدن ایدی انجق بو ❖
 ❖ نفس اماره یه غالبله دینسه شایان ❖
 ❖ کوجلو قوتلو توانا دخی قوت نیرو ❖
 ❖ جاودانی ایله جاوید ایدی و دائم ❖
 ❖ بویله بیلک کزک الله تعالی بی قولو ❖
 ❖ کوی یاره کیده بلسیدم ایدردم اوراده ❖
 ❖ راحت اسایش جنت کی همچون مینو ❖

* سبب المادر ایو به دخی به ایو ادر *

* ذقن یار ایله بو لهجه زردم یاهو *

* بکاشفالو کرک باغ رخکدن کرجه *

* نار انار واریک انواعنه دیرل آلو *

* اصمه تانک واوزم انکور قورق در غوره *

* باغده سیر و تماشای اولور پک دلو *

* لعل رنگینکه تقلید ایدلدن بریدر *

* اولدی کلنار کر از وشنه در آلو بالو *

* انبرود ولسکل انبرد دینور امر وده *

* که انک پک ایوسن طاغده یرمش ایو *

* یوزکی کر دنیکی اویمه یانمده برادر *

* شفترنک ایله هلو ایکسیده شفتالو *

* بار و برمیوه و ترننده یمش نوباوه *

* لذتی تازه مضامین قدر اولمز ایو *

* عاشقه شفقت ایدن شوخ جهانده کوزلن *

* بهترین پک ایو سیدر دخی نیک و نیکو *

* این سخنرا بو سوزی نیک شودیکله ایو *

* رزقک الله ویرر ایله اصلاقیغو *

* نقدر اولسه دخی نادره فن دوران *

* فارسی بیلن آدم اوله مز نادره ککو *

* کاتب دبیر و خامه وکلک اولدی هم قلم *

* اولمق کرک معارفه ورز شله محترم *

* چالش همان کاتبه هرکس ییلور یونی *

* مکتوبک ادی الله بالزلمس نوشته هم *

* کرک قلم تراشه وعینک دی کوزلکه *

* کسکینجه کاتب اولیه باقمکه بودر اهم *

* اندن اولور هنزوره سر رشته کال *

* پشم دوات کر چه دیمش لبقه به عجم *

* درهم اودر که پورتنه قارش بورش اوله *

* مانند تارطره کبسوی خم بنجم *

* سیرانده رقیب ایله اول مهلقا کی *

* بربرینه بناشمش اولانه دینور بهیم *

* دیوانخانه ایدیه تالار ایمش دخی *

* واسع اولان قوناقلرین ایچنده ملترم *

* کوکلده طوتدیغم سرکوی نکار در *

* شیخانه پادشاه سراینده کی حرم *

* اولمش پرسته بسله عورت مقوله سی *

* نظمده زن مقوله سی اولدیغن استم *

* ای شاه شیوه کار قوکلده کوکل مدام *

* چاکر قول اولدی دخی پرستار ایمش خدم *

* پک قوتلونسنه اولادی همایون هماکی *

* سودای تار پرچی باشمده دمبدم *

* شکام وصلنک کی ای مهلقا سنک *

* وقت مبارکه دینلور هم نجسته دم *

* خم کوب دیکدر اگری خم وکر دینور دخی *

* کوکلک ککشجه طوت ویره مز کج مزاج غم *

* پابوشه پایدان ودخی کفش سر دینور *

* انک ایله محافظه اولور همان قدم *

* فبش کونلرنده طاغده بایرده لزومی وار *

✽ هم جز مه موزه و چارغك ایدر شتم ✽
 ✽ مفعول فاعلات مفاعیل فاعلن ✽
 ✽ اکثر بوز نیله دینلان شعر اولور اتم ✽
 ✽ یاراقده کوستر اینه جاهل چه فائده ✽
 ✽ رایتکشان علم و معارف اولور علم ✽

✽ غازه کلکونه قز لجه که ایدر رخلری ال ✽
 ✽ اوله من حسن خداد ادکی زیب جمال ✽
 ✽ سکا لازم دکل ای قاشی کاتم کر چه ✽
 ✽ وسمه قاشه جکیلان راستغه دیرلر بکه خال ✽
 ✽ بروایت ادی فرخال که دلبر لری چوق ✽
 ✽ کورمین شهر ستانولی ایدر بویله خیال ✽
 ✽ ابتدی آویخته عاشق لرینک کوکلنی بار ✽
 ✽ هر طرفدن صالنان صاحبه دینورمش فرخال ✽
 ✽ چشم زخم اولدی نظر دکه نعوذ بالله ✽
 ✽ نظر حاسد بدیشه اولور عین و بال ✽
 ✽ کندوباشنه کلور عاقبتنده بی شک ✽
 ✽ دشمنک داخی فناور مه سی صانوسی شکال ✽
 ✽ فیروان کوکلرک اطراف سستاره یلدز ✽
 ✽ امر باری ایله دوران ایدر هر مه وسال ✽
 ✽ قاشنی زلفی میباندنه کورنجه صاندتم ✽
 ✽ یکی آئی ماه نواولدی عربی ادی هلال ✽
 ✽ چشم زدن دیمه مفهومی در اکنه دلکی ✽
 ✽ اورادن سیر ایدر عالم لری ارباب کال ✽
 ✽ اینجه فکر ایتکه وابسته دکلدر یلورز ✽

✽ هم او معناده دخی اوق کزی اولمش سوفال ✽
 ✽ آدی عنقا فوشنک وار اینه سیمرخ ایش ✽
 ✽ سوز آچوب واره یوغه کندیمی ایتیم اشغال ✽
 ✽ مرغ دل قور توله من باغلو ایکن کاکلکه ✽
 ✽ قنادک او جلری شهر دخی دیندی شهبال ✽
 ✽ خاکسار اولکه توزه طور اغه بولاشمش اوله ✽
 ✽ خاک در کاهنه عشاق اولور کن رومال ✽
 ✽ کیم دیو صورار ایش زلفک ایله بنده کرم ✽
 ✽ ایاق التنده سورنمش دپه لشم پامال ✽
 ✽ دیندی آموختن او کر نمکه کسب ایلکه ✽
 ✽ سعی ایدوب عاقل اولان ایلز اصلا ایهال ✽
 ✽ فرق و تمیز اولور حکم شریعتله همان ✽
 ✽ هم حرام اولدی سفور دخی مسراده حلال ✽
 ✽ صاحبق افشاندن ور یختن اولمش دوکت ✽
 ✽ سکا عاشق لرینک قاتی رأس الامال ✽
 ✽ در دهج کله غم عشقک ایله کوکلدر ✽
 ✽ پر شده طولمش اولان پک طولدر مال مال ✽
 ✽ اولدی فالیمه نهال و یکمهک آدی نمد ✽
 ✽ ایتلی وقت شتا کلدیکی دم استحصال ✽
 ✽ لاف سوز لاله طولدر دهبی اغیارک ✽
 ✽ هکبه خرچین غرار ایش اوقیل فاره جوال ✽
 ✽ یاشده کیم اولسه برابر اکاهمزاد دینور ✽
 ✽ کوزه دک بربری ایلسونلر اضلال ✽
 ✽ غصه دن ایلکه فکر ایله شکر ایت حقه ✽
 ✽ لطف و احسان ایدر قولره رب متعال ✽

✽ پند می دیگر ایسن سنده لیباهر دم ✽
✽ شکر ایزد کن از اندوه میندیش و منال ✽

✽ دی مسافر قوندیغی اوصا جینه میربان ✽
✽ ضیفه اکرام ایلا اصحاب مرؤیدن اولان ✽
✽ بولدیغن اکل ایلیوب اومدیغی بولز ایمش ✽
✽ هم مسافر میر مهمان دیندی داخی میهمان ✽
✽ بربری اردنجه پیدر پی سکیر ایزداخی پی ✽
✽ دردوغم تعقیب ایدر اصحاب عشقی ناکهان ✽
✽ رنده دخلک زاهد پک ناسزا درسو یلم ✽
✽ هم سنکچون از پی توانک ایچون بهر آن ✽
✽ از برای اودخی انک ایچون اورا اسکا ✽
✽ عاشق اولمش دائمی کریاندر افتاد کان ✽
✽ جور دلبر عشق عجب بردرد ایمش بن کوردم ✽
✽ بونجلاین زینسان وانجلاین انجنان ✽
✽ آانشان اوانلرک هم اینشان اوبونلرک ✽
✽ بتره بر حصه جک یوقدر بو عا لده همان ✽
✽ فالکان ملکت کنج قناعت لاجرم ✽
✽ پادشهر در یکان کیملر دیمک داخی کبان ✽
✽ جتر چا در او به خرگاه و اونا قدر بارگاه ✽
✽ ایلا اسایش بویرلده همدشه کامران ✽
✽ پک یاقبشور قبه کردون دون سرکشه ✽
✽ پک یوک چادر دیمک هم کولکه لکدر سایان ✽
✽ کولک سپهر اولدی زحل کیوان عطار دتیر ایمش ✽
✽ یوغیسه عقلک اگر احکامنه سنده اینسان ✽

✽ جمله سی محکوم امر حضرت بیچوندر ✽
✽ اولکره پروین دیرلر عرش اعلا کر زمان ✽
✽ مشتری برجس و میر یخک ادی بهرام هم ✽
✽ دائمی افلاکله دوران ایدرلر یکمان ✽
✽ طالعک یاور سه ایله قدرت حقه نگاه ✽
✽ زهره ناهید و صمان اوغریسی اولمش کهکشان ✽
✽ مرزبوم اولمش وطن سرحد سنوریدردخی ✽
✽ روز و شب محفوظ اولسون ملکت اسلامیان ✽
✽ یکدر الله یک ایله بکله خداک بابی ✽
✽ مرز سرحد ایدر سرحد اغاسی مرزبان ✽
✽ پاس حفظ ایتک دخی بر ربی ایمش کیجهک ✽
✽ وصفی تطویل ایدرلر عشقه حسرتکشان ✽
✽ ران اویلق جقشیره شلواره ده رانین دینور ✽
✽ ایچ یوزندن صحبت اچاز بونلرک اهل بیان ✽
✽ اشته حاضر بنده جولان ایت اقدام جایجا ✽
✽ قوله آت بکران بنلشدن کایه زیران ✽
✽ ییلکو طاشی فسانه سحر افسون و فسون ✽
✽ طاش باشینه قوجه قاریلر ایدرلر هر زمان ✽
✽ یات ایوای طفل نورس بن سکا نقل ایده یم ✽
✽ داخی افسانه حکایت هم دینورمش داستان ✽
✽ بیخته اولمش النمش نسنه پرویزن الک ✽
✽ دقت ایلر هر بر امرنده کروه نکته دان ✽
✽ سر زبشله خرد اولور دائم درون اهل دل ✽
✽ دوکه در کویدن و مهراس معناسی هوان ✽
✽ اقیبی جویان چکیدن طملاقی بارد یغاز ✽

✽ اشك چشم عاشق كریان زار و ناتوان ✽
 ✽ اشك چشم ماجرا سن اچه دن قصدم سكا ✽
 ✽ میچكد طمردیمك فان طملا بیجی خونچكان ✽
 ✽ بسمل اولشدر بوغازلنش بریدن كسمه در ✽
 ✽ دست جورنده طوتارا اولشوخ تیغ بی امان ✽
 ✽ جورایله قانم قورتدك وارمی جانم فائده ✽
 ✽ نخ ایلك معناسنه كلكش ككدر استخوان ✽
 ✽ یاره زخم و یاره لی زخین داخی زخناك ✽
 ✽ ایتدی كوكلم خنجر نخوت ایله بر جانستان ✽
 ✽ اول طیب جانہ صوردم كوكلك زخن دیدی ✽
 ✽ دی تشج اولشه ناسور و پر خون طولوقان ✽
 ✽ بل میان اولش وسط معناسنه داخی كلور ✽
 ✽ وارمی یوقی یلم اما اصلی ای نورس جوان ✽
 ✽ صارمش اول نازك تی اغیار ذوقندن دیمش ✽
 ✽ قوشاغه دبرلكر هم اینجه بلالی مومیان ✽
 ✽ فارسی اوكرندم اولدم بویله طالتو دللی بن ✽
 ✽ اوكره در طوطیله سكر کی نطقم لسان ✽
 ✽ بنده ییلسیدم لیبا دیر ایدم وهی كبی ✽
 ✽ فارسی اموختم كشم چنین شیرین زبان ✽

✽ مبارك فرخ و فرخنده و معمور در آباد ✽
 ✽ موحدل درونی دائما یارب مبارك باد ✽
 ✽ دل عشاق كاهی التفات و كاه جوزكله ✽
 ✽ سوغش خرم و دلشاد هم محزوندر ناشاد ✽
 ✽ دی بیکر صورته ارتك بر صورت كآ بیدر ✽

✽ ولكن ایلمز صورت پرستك مر دم ازاد ✽
 ✽ چیقاردی انلرنده نقشی انجامده كردون ✽
 ✽ ایکی مشهور نقاش ادیدرمانی ایله بهزاد ✽
 ✽ سبه چرده دی اسمر چهره لویه یعنی كندم كون ✽
 ✽ كوزلر زمره سبنی ایلمك استرایسن تعداد ✽
 ✽ بر آشوب جهانی سودم عالمده نمه لازم ✽
 ✽ ایکی محبوبی چوق شهره دینورمش خلیخ ونوشاد ✽
 ✽ ایچنده ای كورنمش بر قویودر چاه نخشب هم ✽
 ✽ بنم كوكلم كه ایلر مهر روی یاردن استمداد ✽
 ✽ درونده كورن عكس قرتاب رخك صاندی ✽
 ✽ اوایدر ماه نخشب ابن مقنع ایلش ایجاد ✽
 ✽ درفش كاویانی شول دری بیراق كه ایتشدر ✽
 ✽ همایون فال ایله ایرانیاك قوتن مرز داد ✽
 ✽ قضا را اول علمده وفق صدر صد اولوب ایتدی ✽
 ✽ دمرجی كاوه ضحاکي انكله آغلدوب بر باد ✽
 ✽ محابا احتراز اولدی دخی پروا او معناده ✽
 ✽ فنا ایشلردن ارباب ذکایه دائما معتاد ✽
 ✽ قیوسنده نكارك آه و فریاد ایتدن قصدم ✽
 ✽ دیمكدر هرنه اولورایسه اولسون هر چه باد آباد ✽
 ✽ كدر اولسه كوكلده خار خار و سوك ماتمدر ✽
 ✽ سرور قلمز ایتسون جناب حق همان مرز داد ✽
 ✽ نكاری هر كور شده عاشق رسوا ره مشوار ✽
 ✽ چاغرمق آه چكنكدر فغان و ناله و فریاد ✽
 ✽ بشك كهواره مام ناف ایه قاری دخی بازاج ✽
 ✽ خدا خیر الخلف احسان ایده بالین والاسعاد ✽

* اطفال نور سیده عشق باز بچه صا نور کویا *
 * جوجق کودك یکی طوغش اولان نوزاده ونوزاد *
 * ترخم مهربانی ونوازش او خشا مقدر هم *
 * نیازم شدن ای مہپاره انجق طویمدن حساد *
 * سنك کبی جفا وجور و ناز و فتنه به مائل *
 * ستمکر دیندی ظالم کسه به ظلمه دینور پیداد *
 * چہا لت اولدی نادانی معاذ الله دیمک برکس *
 * ایدر عاقل اولان علم و هنر له دائم استعباد *
 * ایکی عالمده الحق کامین و کامران اولمش *
 * بیلجی کیمسه در داننده دانش علم واستعداد *
 * دی طاشلق بیرہ سنکستان طاشلق سنکلاخ اولمش *
 * رحسنزلکله یارک کوکلی دیرسم اولمز استعداد *
 * بومصرع کلور تردیفه یوکسلدی کبی مضمون *
 * دخی دیوارک ادی لادو دیوارک دبی بنلاد *
 * چه میکوی نه سویلر سن نمیدانند بیلر *
 * عبدر نظم و شعری ایلک جاهلاره انشاد *
 * نجاهل ایلوب دیدی بی کوردکده اول مهر و *
 * یکایی قنغی بر دندن تویی ییکانه سنسن یاد *
 * مفاعیلن مفاعیلن هر جذر بحر ینک آدی *
 * بو دریای کالی ایلدی وهی فقط ایجاد *
 * بحمد الله والنبه لیباعلم و عرفانی *
 * ایشتمد خواجه دن بر بر شنیدم یک یک از استاد *

* رخس آت پر لایمی رخنشده بارلق تابدار *
 * اسب ناز و عشویه اولمش اومہپاره سوار *

* آب و تاب حسنکی وصف ایتدن مقصود من *
 * یک لطافتلو طر اولتو دیمکدر آبدار *
 * عاشقن معناسی اولمش دوستار و دوستدار *
 * کندویه دشمن صانور افتاده سن امانکار *
 * قابل اولسه حانی سویلردی عاشق یارینه *
 * بر برینه راست کلک دو چہار ایلہ دوچار *
 * داد کر عدل ایدیمجیدر جور ایدی زور کار *
 * عاقل ایلر هر ایشنده اعتدالی اختیار *
 * فلک مقصودی ایدن ساحلرس ملک امل *
 * فرصت وعهد و زمان داخی هوادر روز کار *
 * قوجه به دیندی در اغوش و دخی اغوشن *
 * یلورم اماندر چاره رضا و بر مزسه یار *
 * بان جزر بنیدن دلارا وارمیدر بر فائده *
 * هم کار اولمش قوجاق المق قوجاغه درکار *
 * ساختن دوزمک دخی یول طاقیدر برک و ساز *
 * کوی یاره عزم ایدن عاشقرا یچون آه و زار *
 * الفت ایدوب یار ایلہ هر روز و شب حال رقیب *
 * منتظمدر سازمندوپک موافق ساز کار *
 * شولکه ما کولاتدن میخوش اوله خوشخور دینور *
 * طاتلو طاتلو چوق طعام ایتکلکه اولورمدار *
 * ثروت و سامانکی فاش ایتہ کیم کوجلشمسون *
 * هم کواریدن سکر مک هضمی اسان خوشکوار *
 * اولدی فکر ایتک نهیدن هم سکا لش اویله در *
 * قول و فعله ایتداده عاقله لازم لوکار *
 * ایلمه افعالده تعجیل زیرا خیر اولان *

❖ اولز انلرده کدورات درون ❖ ❖ ذوق وشادیده اولور لدا ثون ❖
 ❖ جمله سی امنیت اوزره آمین ❖
 ❖ هم بدیجی کو کرده علین مقام ❖ ❖ چون اودر سر منزل دارالسلام ❖
 ❖ کیم وارر سه اولور انده شاد کام ❖ ❖ قسمت ایتسون جمله به رب الانام ❖
 ❖ صاعد اولور اکا روح مؤمنین ❖
 ❖ چونکه غلمان اولدی خدام ارم ❖ ❖ هر بریسی نور محض و محترم ❖
 ❖ مؤمننه ایلش باری کرم ❖ ❖ همدخی دوشیره و فرخ شیم ❖
 ❖ انده جنت قزلیدر حور عین ❖
 ❖ شول ملک کار که یازر اعمالز ❖ ❖ کارمز اطوارمز احوالز ❖
 ❖ اولور اول دفترده هب افعالز ❖ ❖ ایلین تحریر جمله قالمز ❖
 ❖ انلره دینش کراما کاتبین ❖
 ❖ شاهد حق تکرسی هر عالمک ❖ ❖ عرش و کرسیک و جن و ادمک ❖
 ❖ درک اولمز ذاتی حق اکرمک ❖ ❖ بز دیرز وصفنده رب ارحمک ❖
 ❖ نشهد الله الله العالمین ❖
 ❖ اهل کفرک قهر ایله اول هالکی ❖ ❖ مسلمینک ناصری هم مالکی ❖
 ❖ یار لغار راه هدایه سالکی ❖ ❖ قهر ایدر توحیدینی هر تارکی ❖
 ❖ انه بالخری مخزی الکافرین ❖
 ❖ پرزبان اولقده انجیق کافران ❖ ❖ راه خسرانه اولوب دائم دوان ❖
 ❖ مغفرت بولمز لرا صلا مشرکان ❖ ❖ نص قرآن ایله اولمشدر بیان ❖
 ❖ انما الکفار کانوا خاسرین ❖
 ❖ آدمه شیطا ندر خصم مین ❖ ❖ جمله بی حفظ ایده رب العالمین ❖
 ❖ الدادر انسانی اول کافر لعین ❖ ❖ امری طوتان اولور دوزخ قرین ❖
 ❖ مکر و شر نندن امان اوله امین ❖

معزفه جالغیجلا رک سازی
 خوب صدا ذوقه کیدر با شلیحق
 هم کوزل شاره ترعب دیمه در
 عاشق دلشده نک مطلوبی
 اولدی نخبه و نقاوه شولکم
 کوکلم ای یار سکا اشیا دن
 غز و ایش دشمن ایله اوغرا شیق
 حربدن قاچه کنه کار لقدر
 جارحه اولیجی قوشه دینور
 مرغ دل صیدین ایدندر دلدار
 انجیمی دی عربک غیر یسنه
 بوسوزی قافیه ایتدی ایجاب
 مروزی بلده مرویه منسوب
 علم تفسیر ده یکا فخره
 دیندی افخام بیوکلندر مک
 کیمسه بی ایله تحقیر چالش
 هنر آن کشته بیجیدر صاهل
 طبع یکر انه سوز اولمز نظم
 ایکی کاهن ایدیلر شق و سطح
 بونلرک وقت جهالتده عجب
 ترجمه مده سوز می کزلمه یوق
 یلنور نیکه مال مطلوب
 نظم مز اولدی ختامه نزدیک
 بو قدر ایلیه یلدم تردیف

خوش اولور سینه کوزل اوازی
 تغنیه ایرلغه اغازی
 مقصدم وصفدن اول طنازی
 دلبرک ایلسیدر نازی
 دلبر آنک اوله نام افرازی
 اوله شیشک سخیلان ممتازی
 ایلوب معرکه ده سربازی
 کافره جنکه کیدندر غازی
 اوجکاهه ایدرک پروازی
 طوغانک ایدیه اولمش بازی
 ترک اولسون و کورک شیرازی
 دیر عجملر عربی به تازی
 اصانتک کرچه دکل دمسازی
 شهر ری نسبتی اولمش رازی
 صاقلق هر نه اولور سه رازی
 ادمه ایلکه اعزازی
 پک مبارک اولور اسب تازی
 هم صهیل اولمش آنک اوازی
 دیدی نقل ایلین افسونبازی
 شهرتی واردخی کاهن حازی
 التزام اولدی فقط ایجازی
 ایلس فی ترجمتی الغازی
 کوسرتوب قاعده ایجازی
 چوغه طوتسون ظر قابو آزی

اشبوتردیفات شاعرانه بی حاوی مجله فصیحانه تقویعخانه عامره ده
 طبع و تمثیل قلمشدر فی ۹ ذی سنه ۱۲۶۳

Handwritten text in a rectangular box, likely bleed-through from the reverse side of the page. The text is arranged in approximately 20 horizontal lines and is written in a cursive script. Due to the age and fading of the document, the specific words and phrases are largely illegible. The text appears to be a continuous paragraph or a list of entries.

مجله
تاریخ و جغرافیه